

REZOLUTË
PËR VLERËSIMIN E VEPRIMTARISË SË AVOKATIT TË PROKURIMEVE PËR VITIN
2007

Kuvendi i Republikës së Shqipërisë,

- duke njohur e vlerësuar rolin e Avokatit të Prokurimeve për mbrojtjen e interesave të operatorëve ekonomikë, në zbatim të akteve ligjore e nënligjore për prokurimin publik dhe për koncesionet;

- duke mbështetur e zhvilluar bashkëpunimin me këtë institucion, si dhe duke nxitur bashkëpunimin e tij me institucionet e tjera brenda e jashtë vendit,

Vlerëson veprimtarinë e institucionit për periudhën maj-dhjetor 2007 për:

- përzgjedhjen e një stafi profesional me përvojë në fushën e prokurimeve e atë administrative dhe me njohuri në fushën e legjislacionit;

- ngritjen dhe organizimin e institucionit, në funksion të përmbushjes së detyrimeve ligjore e nënligjore;

- shqyrtimin e ankesave të depozituara nga operatorët ekonomikë, kryerjen e hetimit administrativ dhe marrjen e vendimeve në përputhje me ligjin.

Kuvendi kërkon që për vitin 2008 Avokati i Prokurimeve të zbatojë këto detyrime:

- rritjen e efektivitetit dhe të efikasitetit të institucionit në drejtim të mbrojtjes së interesave të kandidatëve, ofertuesve e furnizuesve në fushën e prokurimit publik dhe koncesioneve;

- konsolidimin e strukturës së institucionit, zgjerimin e veprimtarisë trajnuese dhe ngritjen profesionale të specialistëve;

- rritjen e bashkëpunimit me Agjencinë e Prokurimit Publik, Kontrollin e Lartë të Shtetit, organet ekzekutive dhe Kuvendin për plotësimin e detyrimeve që rrjedhin nga legjislacioni për prokurimin publik dhe për koncesionet, si dhe për përmirësimin e mëtejshëm të tij;

- hartimin e rregullores së institucionit, ngritjen e regjistrit publik të ankesave dhe vënien e tij në dispozicion të publikut;

- hartimin dhe zbatimin e strategjisë së komunikimit, në përputhje me Marrëveshjen e Sfidës së Mijëvjeçarit.

7 korrik 2008